



CONCELLO DAS PONTES DE GARCÍA (RODRÍGUEZ A CORUÑA)

Parque Municipal s/n CP 15320 Teléf.981453116 REL 01150709 CIF P1507100D <https://sede.aspontes.org/opencvms/gl/index.html>

Ref.: MVA

Expte. núm. 2022/A006/000006

Marina Núñez Orjales, secretaria do Concello das Pontes de García Rodríguez (A Coruña),

CERTIFICO:

Que na sesión ordinaria do Pleno do Concello que tivo lugar o día 11/01/2023, adoptouse, entre outros, o seguinte acordo:

5º) APROBACIÓN DUNHA DECLARACIÓN INSTITUCIONAL COMO MEDIDA PREVENTIVA CONTRA A FRAUDE

O presidente da sesión dá conta do ditame da Comisión Informativa de Recursos Humanos, Industria e Emprego de data 05/01/2023 e a concelleira Elena López Seco explica o contido do expediente, que se tramita co número de procedemento 2022/A006/000006. Os antecedentes do expediente son os seguintes:

- A Deputación Provincial da Coruña aprobou o plan xeral de prevención de riscos e medidas antifraude da Deputación Provincial da Coruña en sesión de data 23/06/2022 (BOP núm. 125 do 4 de xullo).
- O concello ven de adherirse a este plan. Xunto coa análise antifraude, a Deputación promoverá medidas antifraude incardinadas cada unha delas dentro do xa estandarizado ciclo contra o fraude: prevención, detección, corrección e persecución. Como primeira medida preventiva, seguindo todas as recomendacións a este efecto, ten que apreciarse un compromiso claro, mediante unha declaración solemne do propio Pleno da Corporación, na que a institución amose a idea de clara intransixencia con calquera situación de fraude ou corrupción que poida comprometer a legal e eficiente aplicación de todos os fondos públicos que se administren, con independencia da fonte de que procedan.
- A proposta de acordo ten data 23/12/2022.
- O ditame da Comisión Informativa de Recursos Humanos, Industria e Emprego é de data 05/01/2023.

A continuación ábrese a quenda de intervencións (...)

As dúas persoas concelleiras do BNG, tras a súa intervención e antes da votación, auséntanse do salón de Plenos. Para os efectos da votación e segundo o disposto no artigo 100 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais debe considerarse que se absteñen.

Ao non producirse máis intervencións, o Pleno do Concello á vista dos antecedentes, con 10 votos favorables; 9 dos representantes do grupo político municipal do PSdeG-PSOE e 1 do Grupo Mixto (representante do PP) e 2 abstencións dos representantes do grupo político municipal do BNG), acorda:

- Aprobar a seguinte declaración institucional:

“No marco da xestión e execución do Plan de Recuperación, Transformación e Resiliencia (PRTR), así coma na xestión, aplicación e control de todos os fondos públicos, o concello das Pontes de García Rodríguez manifesta publicamente o seu compromiso ao máis alto nivel posible no estrito cumprimento das normas xurídicas e de carácter ético, así coma a súa total adhesión aos principios de integridade, obxectividade e honestidade, de xeito que a súa actividade oposta ao fraude e á corrupción sexa percibida por todos os axentes que se relacionan con esta administración. As persoas que exercen cargos representativos na Corporación, así como todo o persoal ao servizo da Corporación, teñen o compromiso de



CONCELLO DAS PONTES DE GARCÍA (RODRÍGUEZ A CORUÑA)

Parque Municipal s/n CP 15320 Teléf.981453116 REL 01150709 CIF P1507100D <https://sede.aspontes.org/opencms/gl/index.html>

Ref.: MVA

Expte. núm. 2022/A006/000006

velar sempre polos intereses xerais, con suxeición á Constitución, ao Estatuto de Autonomía de Galicia e ao resto do ordenamento xurídico, actuando en todo momento de acordo cos seguintes principios: obxectividade, integridade, neutralidade, responsabilidade, imparcialidade, confidencialidade, dedicación ao servizo público, transparencia, exemplaridade, austeridade, accesibilidade, eficacia, honradez, promoción do entorno cultural e medioambiental e respecto á igualdade entre mulleres e homes. Coa presente declaración preténdese promover dentro da organización unha cultura ética que non dea lugar a condutas ou actividades fraudulentas e que faga máis doada a súa prevención e detección, promovendo o desenvolvemento de procedementos efectivos para a xestión dos casos que se detecten. Para acadar o obxectivo exposto, logo de aprobada a adhesión ao Plan anti-fraude da Deputación da Coruña (PREMADECOR), publicárase de xeito permanente esta declaración na páxina web oficial.

O concello das Pontes de García Rodríguez e as persoas que exercen cargos representativos ou prestan servizos para a mesma quedan comprometidos cos principios expostos e asumen a obriga de colaborar en todo momento para conseguir a plena eficacia das medidas de prevención, detección, corrección e persecución que se establecen neste Plan”.

Expido este certificado para que conste no citado expediente, coa salvidade prevista no artigo 206 do Real decreto 2568/1986, de 28 de novembro, de organización, funcionamento e réxime xurídico das entidades locais), co visto e prace da concelleira-delegada da Área de Recursos Humanos, Industria e Emprego

A concelleira-delegada (V.e Pr.)

Ana M^a Pena Purriños